

Uunga siunnersuut: Ikiaroorartut pillugit Inatsisartut inatsisaat
Meeqqanut, Inuusuttunut, Ilaqutariinnut Peqqinnissamullu Naalakkersuisumit
saqqummiunneqartoq

pillugu

Ilaqutariinnermut Peqqissutsimullu Ataatsimiititaliap

siunnersuutit aappassaaneerreqarnerannut

ISUMALIUTISSIISSUTAA

Ataatsimiititaliap suliarinninnermini uku ilaasortarai:

Inatsisartunut ilaasortaq Anna Wangenheim, Demokraatit, siulittaasuugallartog

Inatsisartunut ilaasortaq Hans Peter Poulsen, Siumut

Inatsisartunut ilaasortaq Dines Mikaelson, Siumut

Inatsisartunut ilaasortat Jens Kristian Therkelsen, sinniisussaq

Inatsisartunut ilaasortaq Mikivuk Thomassen, Inuit Ataqtigiit

Inatsisartunut ilaasortaq Eqaluk Høegh, Inuit Ataqtigiit

Inatsisartunut ilaasortaq Paneeraq Olsen, Naleraq, sinniisussaq

UPA2022-imi septemberip 28.-iani 2022-imi siullermeerinerup kingorna siunnersuut ataatsimiititaliap misissorpaa.

Siunnersuutip imarisaa siunertaalu

Siunnersuut pingaarutilinnik marlunnik siunertaqarpoq:

Siullertut pissutsit arlallit, Unnerluussisussaataasut, Eqqartuussiviit aamma oqartussa qarfiit allat unioqqutitsinerup qanoq sakkortutiginissaanut nalilersuinermini eqqarsaatigisinnaasaannik inatsisissatut siunnersuummi allaaserineqarpoq.

Aappaattut inatsisartut inatsisaat aqqutigalugu cannabis-imik tunisassiat 0,2 % angullugu THC-mik akullit inerteqqutaajunnaarsinneqassapput. Taamaasilluni siusinnerusukkut Inatsisartut 2019¹-imi aalajangigaat piviusunngortinneqarsinnaassaaq. Suliassa qarfimmuut nalunaarummik

¹ UKA2019/59: Cannabisoliat CBD-mik (cannabidiolimik) imallit aamma annerpaamik 0,2 % THC-mik (tetrahydrocannabinolimik) imallit unioqqutitsinertaqanngitsumik pisarineqarsinnaanngornissaannut nioqqutigineqarsinnaanngornissaannut kiisalu eqqunneqarsinnaanngornissaannut Naalakkersuisut peqquneqarnissaannik Inatsisartut aalangiiffigisassaattut siunnersuut.

UKA2019/128: Annerpaamik 0,2 procentimik THC-mik akullinnik cannabisimik nioqqutissiat (tassani cannabisolia aamma eqqarsaatigalugu) inerteqqutaajunnaarsinnaannik Naalakkersuisut suliniuteqaqqullugit Inatsisartut aalangiiffigisassaattut siunnersuut.

suliaqarnerup saniatigut Inatsisartut inatsisissaat ilutigalugu atuutilersussamik Naalakkersuisut suliaqarput. Taamaaliornikkut ingerlatseqatigiiffiit suliffeqarfiillu tunisassianik taamaattunik nunatsinnut eqqussuinissamut tuniniaanissamullu akuersissummik qinnuteqarsinnaalissapput.

Tusarniaanermi akissuteqaatit

Ataatsimiititaliap siunnersuummik matuminnga suliaqarnermini atugassaminut atatillugu tusarniaanermi akissutigineqartut assilinerinik ataatsimiititaliaq pissarsivoq. Tusarniaanermi akissutigineqartut isumaliutissiisummut ilanngussatut ilanngunneqarput. Inatsisartut Siulittaasoqarfiata ilusiliinissamut piumasaqaataanut naapertuuttuunissaat siunnersuutigineqartup Inatsisartuni suliarineqartussanngorlugu tunniunneqarnissaa Naalakkersuisunut ataatsimiititaliamit eqqaasitsissutigineqassaaq.

Aningaasaqarnermut Naligiissitaanermullu Naalakkersuisoqarfik tusarniaanermi akissutigisaminni ima allappoq:

”Inatsisissatut siunnersuummi immikkoortut tallimaannut nassuiaatini erseqqinngilaq siunnersuut inuit peqqissusaannut kinguneqarnissaa kinguneqannginnissaaluunniit naatsorsuutigineqarnerseq. Taakku cannabisimik tunisassianut nakorsaatissanut tunngatillugit erseqqinngillat (§ 1 nr. 2), taamaattumik inatsisissatut siunnersuummi ilisimasatigut tunngaviit nassuiaatini nalinginnaasumi erseqqinnerusumik eqqartorneqarnissaat naleqquttuusinnaavoq.”

Tamatumunnga Peqqissutsimut Naalakkersuisoqarfik tusarniaanermut atatillugu allakkamini imaattumik akissuteqarpoq:

”Tusarniaanermi akissutini nassiunneqartuni immikkoortunut kingullernut marlunnut tunngatillugu erseqqissaassutigineqassaaq cannabisimik nakorsaatit misileraalluni aaqqissuussinerup eqqunneqarnissaanut Inatsisartut aalajangererat immikkut suliarineqassamat ikiaroorartunullu tunngatillugu inatsimmut toqqaannartumik tunngaveqassanani. Illuatungaani cannabisimik nakorsaatit tunisassiat sorliit Nakorsaatit pillugit ataatsimiititaliap allattorsimaffiani nakorsaatit inerteqqutaanngitsutut ilanngunneqarnerisut apeqqutaapput. Nakorsaatit pillugit Inatsisartut peqqussutaanni nr. 1, 12. maj 2005-imeersumi § 7, imm. 1 matumani naapertorneqarpoq. Taamaattumik Naalakkersuisut nalilerpaat, cannabisimik nakorsaatit inerteqqutaajunnaarsitsinikkut innuttaasut peqqissusaannut aningaasaqarnikkullu kingunerisinnaasat siunnersuummut matumunnga nassuiaatini

UKA2019/134: Danskit misileraanerattut ittumik nakorsat ataasiakkaat immikkut akuersissummik piniappaaratik nakorsaatit akuerisaanngitsumik cannabisimik nakorsaasiillutik nakorsaanissamik periarfissaqalersillugit misileraanermik aallartitsinissamik Naalakkersuisut peqqunneqarnissaannik Inatsisartut aalajangiiffigisassaattut siunnersuut.

nassuiarneqarnissaat pisariaqanngitsoq. Taamaattoq Inatsisartut cannabisimik nakorsaatinik misileraalluni aaqqissuussinerup eqqunneqarnissaanut aalajangerannik atuutilersitsinermut atatillugu taakku isumaliutigineqarumaarput.”

Inatsisissatut siunnersuutigineqartoq 2019-imi aamma tusarniaassutigineqarsimavoq. Tusarniaanermi akissutigineqarsimasut taakku nassitissagaat Naalackersuisut qinnuigineqarnikuupput. Tusarniaanermi akissutigineqarsimasut taakku ulloq 17. oktober 2022-imi ataatsimiititaliamit tiguneqarput. Tusarniaanermi akissutigineqartut taakku isumaliutissiisummut ilanngussatut ilanngunneqarput.

Apeqqutit

Siunnersuutip ataatsimiititaliami suliarineqarnerani atugassaminik apeqqutit arlaqartut akineqarnissaat Meeqqanut, Inuusuttunut, Ilaqutariinnut Peqqissutsimullu Naalackersuisumut ataatsimiititaliap qinnutigisimavaa. Ataatsimiititaliap apeqquteqaataa Naalackersuisunullu ilaasortap akissuteqaataa isumaliutissiisummut matumunnga ilanngussatut ilanngunneqarput.

Ataatsimiititaliap siunnersuummik suliarinninnera

Naalackersuisut inatsisissatut siunnersuutaat suliassaqarfimmi maanna inatsimmut atuuttumut annertuutigut assingusoq maluginiarneqarpoq, taamaattoq qanoq annertutigisumik qanorlu unioqqutitsinerunngitsumik eqqussisinaanermut aammalu cannabisip uuliaanik tuniniaasinnaanermut nalunaarummi malittarisassat aalajangersarneqarnissaat periarfissaalissaaq.

Ikiaroorartunik unioqqutitsinani unioqqutitsilluniluunniit atuneq malunnaatilimmik allannguuteqarsimannngitsoq pingaartillugu ataatsimiititaliamit oqaatigineqassaaq. Taamaattumik pingaaruteqarpoq Naalackersuisut inatsisunik atuutsitsinerminni innuttaasut peqqissusaasa nakkutiginnissaa, taamatuttaaq ikiaroorartut inerteqqutaanngitsut inerteqqutaasullu nakkutiginnissaannut misissuisarnissarlu qulakkeersimaannarneqarnissaa pingaaruteqarpoq.

Siunnersuutip aningaasatigut kingunerisassai

Siunnersuutip piviusunngortinneqarnerani aningaasatigut kingunerisassat siunnersuummut nalinginnaasumi oqaaseqaatini allaaserineqarput. Tassani allassimavoq:

”Siunnersuut pisortat akuersissuteqartarnermut nakkutilliinermullu aningaasartuuteqarnerulernerannik kinguneqarnissaa naatsorsuutigineqarpoq. Ukiumut aningaasartuutit katillugit 600.000 kr.-t misaaniissasut, tassa ukioq naallugu sulinertut

ataatsitut naleqassasut naatsorsuutigineqarpoq, taakkulu akuersissutininik assigisaannillu qinnuteqaatinik Nunatta Nakorsaaneqarfiata suliarinnittarneranut aningaasalersuutaassapput. Aningaasartuutit akitsuutinit isertitat annertoqataannik killilimmik akilerneqartassasut naatsorsuutigineqarpoq.

Siuliani oqaatigineqartut tunisassianik THC-nik 0,2 %-it tikillugit akulinnik inerteqqutaajunnaarsitsinissamik Inatsisartut aalajangernerannik akuersineq inuiaat peqqissusaannut kinguneqarsinnaanera oqaatigineqassaaq. Taakku matumani nassuiaatini erseqqinnerusumik nassuiarneqanngillat, kingunissat taakku Inatsisartut inatsisissaattut siunnersuummi uani toqqaannartumik malittarisassiorneqanngimmata.”

Saqqummiunneqartut tunngavigalugit ataatsimiititaliaq isumaqarpoq allatut naliliinissamut tunngavissaqanngitsoq. Taamaalilluni apeqqut pineqartoq peqqissaarullugu Naalakkersuisut misissorsimassagaat, aningaasatigullu allanik kinguneqaateqarnavianngitsoq ataatsimiititaliamit tatigineqarpoq. Siunnersuut naatsorsuutiginnngisamik pisortat karsiannut aningaasartuuteqarfiunissaanik kinguneqassagaluarpat aningaasartuutit pineqartut aningaasaliissutaareersut iluini matussuserneqarsinnaapput, taamaattoqassagaluarpat suliniutit allat annikillisinneqarnerannik kinguneqassaaq.

Ataatsimiititaliap inassuteqaatai

- Ataatsimiititaliap isumaqatigiittup siunnersuut akuerineqassasooq inassutigaa
- Siunnersuutigineqartoq naatsorsuutigisamit annertunerusumik aningaasatigut kinguneqaateqassagaluarpat ataatsimiititaliap ilisimatinneqarnissaa Naalakkersuisunut ataatsimiititaliap kammattuutigaa

Taamatut oqaaseqarluni isumaliutissiisummilu allassimasutut paasinnilluni matumuuna siunnersuut ataatsimiititaliap aappassaaniigassanngortippaa.

Anna Wangenheim
Siulittaasugallartog

Hans Peter Poulsen

Dines Mikaelen

Jens Kristian Therkelsen

Mikivuk Thomassen

Eqaluk Høegh

Paneeraq Olsen